



Idola di Litar

Zara telah menulis biografi tentang pelumba motor negara.



Hafiz Syahrin bin Abdullah merupakan anak kelahiran Selangor. Beliau dilahirkan pada 5 Mei 1994. Beliau telah mengharumkan nama negara dalam bidang sukan permotoran.



Beliau mula berkecimpung dalam sukan permotoran sejak tahun 2007. Beliau mendapat tempat ketiga dalam perlumbaan terbuka mewakili pasukan Petronas. Pada tahun 2009, beliau telah dinobatkan sebagai pemenang kategori pelumba muda dalam perlumbaan yang diadakan di Alor Setar, Kedah.



Pada tahun 2012, Hafiz Syahrin berjaya menaiki podium di tempat ketiga dalam kategori Pelumba Jemputan Kelas Moto2. Kemudian, beliau mendapat tempat kedua dalam perlumbaan kelas Moto2 di San Marino, Itali dan mendapat tempat ketiga di Motegi, Jepun. Hafiz Syahrin melakar sejarah menjadi pelumba pertama negara dan Asia Tenggara yang berlumba di kelas utama MotoGP. Pembabitannya dalam kelas utama MotoGP bermula pada tahun 2017. Sikap kesungguhan beliau harus dipuji.

1. Siapakah pelumba dalam sukan permotoran negara?

Pelumba dalam sukan permotoran negara ialah _____

2. Di manakah negeri kelahiran beliau?

Beliau di lahirkan di negeri _____

3. Apakah kejayaan yang telah diperoleh beliau?

Beliau menjadi pelumba _____ negara dan _____ yang berlumba di kelas utama _____

4. Mengapakah semangat beliau harus dicontohi?

Semangat beliau harus dicontohi kerana sikap _____ yang di tonjolkan dalam menyertai _____

5. Sekiranya kamu berminat untuk berlumba, di manakah tempat yang sesuai?

Mengapa?

Tempat yang sesuai untuk berlumba ialah di _____ kerana tiada _____ lain.

Hal ini dapat mengelakkan berlakunya _____ jalan raya.

Perlumbaan motosikal

Asia Tenggara

MotoGP

litar

Selangor

kenderaan

Hafiz Syahrin bin Abdullah

kemalangan

kesungguhan

pertama